



Халқ сўзи

Ўзбекистон – келажги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2015 йил 1 октябрь, № 190 (6373) Пайшанба

Сайтимизга ўтиш учун QR-кодини телефонингиз орқали сканер қилинг.



ТИНЧЛИК ВА ОСОЙИШТАЛИК — ТАРАҚҚИЁТ ВА ФАРОВОНЛИК АСОСИ

Аввал хабар қилинганидек, Ўзбекистон Республикаси Президенти Ислон Каримов жойларда амалга ошириладиган бунёдкорлик ва ободонлаштириш ишлари билан танишиш мақсадида 29-30 сентябрь кунлари Наманган ва Фарғона вилоятларида бўлди.



Давлатимиз раҳбари Фарғона вилоятига сафарининг иккинчи куни Фарғона туманидаги “Мустақиллик шукронаси” фермер хўжалиги далаларида бўлиб, вилоят фермерлари ва фаоллари билан суҳбатлашди.

Дехқон мўл ҳосил етиштириш учун йил бўйи тайёргарлик кўради, она ерга меҳрини бериб меҳнат қилади. Сиз каби инсонларнинг фидойчилиги туфайли етиштирилган мўл ҳосил мамлакатимизнинг улкан хирмонини бунёд этишда, иқтисодийташқириш ривожлантиришда муҳим аҳамият касб этади, деди Президентимиз.

Амалга ошириладиган барча ислохотлар замирида халқимизнинг, хусусан, фарзандларимизнинг бахту қиболи, уларнинг ҳеч қимдан кам бўлмай вояга етишини таъминлашдек олижаноб мақсад мўжассам. Мустақилликнинг дастлабки йиллариданоқ баркамол авлодни тарбиялаш масаласи давлат сиёсатининг устувор йўналишларидан этиб белгиланди. Фарзандларимиз биздан кўра кучли, билимли, доно ва, албатта, бахт-

ли бўлиши шарт, деган эзгу тамойилнинг самараларини бугун ҳаётимизнинг барча жабҳаларида кўриб турибмиз.

Мамлакатимиз ўз тараққиёт йўлидан дадил бормоқда. Шахару қишлоқларимиз обод, хонадонларимиз файзу баракали, халқимиз дастурхони тўкин экани юртимиздаги тинчлик ва осойишталик самарасидир.

Бирлашган Миллатлар Ташкилоти кўмагида АҚШнинг Колумбия университети томонидан ўтказилган “Дунёнинг энг бахтли мамлакатлари” рейтингига Ўзбекистон жаҳонда 44-ўринни, МДХ давлатлари орасида биринчи ўринни эгаллагани барчамизга гурур ва қувонч бағишлайди. Бу “Ислохот — ислохот учун эмас, аввало инсон учун, унинг манфаатлари учун” деган эзгу ғоянинг амалдаги ёрқин ифодасидир, деди Юртобшимиз.

Қишлоқ хўжалигида амалга ошириладиган изчил ислохотлар самарасида ерга, меҳнатга муносабат ўзгарди. Давлатимиз раҳбари томонидан фермерлик ҳаракатини ривожлантиришга, фермерлар

меҳнатини рағбатлантиришга кўрсатиладиган алоҳида эътибор юксак самаралар бермоқда. Буни Фарғона вилояти фермерлари етиштирган мўл ҳосил мисолида ҳам кўриш мумкин.

Вилоятдаги 3590 фермер хўжалиги 100 минг гектардан зиёд майдонда пахтадан мўл ҳосил етиштирди.

Абдумажид Яҳёев раҳбарлик қилаётган “Мустақиллик шукронаси” фермер хўжалиги аъзолари 109 гектар майдонда пахта ва галла етиштираётди. Фермер хўжалиги кўп тармоқли бўлиб, пахтачилик, галлачилик, чорвачилик, паррандачилик, нон ва нон маҳсулотлари ишлаб чиқариш йўналишларида фаолият кўрсатмоқда. Жорий йилда 45 гектар майдонда галла етиштирилиб, гектаридан 62 центнердан ҳосил олинди. 64 гектар майдонда етиштирилган пахта йиғиб-териб олинмоқда.

Фермерлик ҳаракатини изчил ривожлантириш, фермерларни қўллаб-қувватлаш натижасида вилоятда пахта, галла, пилла ва бошқа қишлоқ хўжалиги маҳсу-

лотлари етиштириш шартнома режаси ортиги билан бажарилмоқда.

Президентимизнинг 2012 йил 22 октябрдаги “Ўзбекистонда фермерлик фаолиятини ташкил қилишни янада такомиллаштириш ва уни ривожлантириш чора-тадбирлари тўғрисида”ги Фармонига мувофиқ Фермерлар кенгашлари ташкил этилгани соҳа самардорлигини оширишда муҳим омил бўлмоқда.

Давлатимиз раҳбари фермерлик ҳаракатини янада ривожлантириш, хом ашё етиштириш билан кифояланмасдан, уни қайта ишлашни йўлга қўйиш ва ривожлантириш, кўп тармоқли фермер хўжалиқларини кўпайтириш ва уларни ҳар томонлама қўллаб-қувватлаш зарурлигини таъкидлади.

Ўзбекистон Ёзувчилар уюشمаси Фарғона вилояти бўлими раҳбари Энаҳон Сиддиқова, Тошлоқ туманидаги “Заркент саховати” фермер хўжалиги раҳбари, Ўзбекистон Республикасида хизмат кўрсатган пахтакор Зебихон Рустамова, Фарғона вилояти Фермерлар кенгаши раиси Абдуғаффор Раҳимов, Ёзёвон туманидаги 22-мактаб ўқитувчиси Ўқтамхон Солиева, Фурқат туманидаги “Уста Юсуфжон наққош” оилавий орхонаси уста наққоши Маҳаматали Юнусов ва бошқалар дунёда тараққиётнинг “ўзбек модели” сифатида эътироф этилган дастур барча соҳаларда улкан самаралар бераётганини, халқимизнинг турмуш даражаси ва фаровонлиги юксали бораётганини қайд этди. Бу ютуқларнинг барчаси Президентимиз раҳнамолигида амалга оширилаётган кенг кўламли ислохотлар натижаси эканини фахр билан таъкидлади.

Президентимиз Ислон Каримовнинг Наманган ва Фарғона вилоятларида сафари давомидаги учрашув ва мулоқотлар, билдирилган фикрлар мамлакатимизда амалга ошириладиган кенг кўламли ислохотлар юксак самаралар бераётганини, Ватанимиз тараққиёти, халқимиз фаровонлигини мутасил юксалтиришга хизмат қилаётганини, халқимизнинг эртанги кунга ишончи мустаҳкам эканини яна бир бор намоён этди.

Матназар ЭЛМУРДОВ,
Маъсуджон СУЛАЙМОНОВ,
ЎЗА махсус мухбирлари.

Аъло АБДУЛЛАЕВ олган сурат.

ЎЗБЕКИСТОН ЎҚИТУВЧИ ВА МУРАББИЙЛАРИГА

Қадри устоз ва мураббийлар!
Авваламбор, сиз, азизларни умумхалқ байрами — Ўқитувчи ва мураббийлар куни билан чин қалбимдан табриклаб, барчангизга ўзимнинг чуқур хурмат-эътиромим ва самимий тилакларимни изҳор этаман.

Бу дунёда ҳар қайси онгли инсон — қаерда ишлагани, қандай касбу қор, лавозим эгаси бўлмасин, унга билим ва тарбия бериб, ҳаётга йўллаган муҳтарам ўқитувчи ва мураббийлари олдида ҳамиша қарздорлик ҳисси билан яшайди.

Ҳақиқатан ҳам, ўзининг кўз нури, қалб кўри, бутун борлигини бағишлаб, барчамизга эзгуликдан сабоқ берган, отадек мўътабар, онадек меҳрибон сиз, азиз устозларнинг ҳеч нарса билан ўлчаб, баҳолаб бўлмайдиган машаққатли ва шарафли меҳнатингиз учун ҳар қанча таҳсин ва ташаккурлар айтсак, арзийди.

Муҳтарам ўқитувчи ва муаллимлар!
Ўзбекистонимиз ўз мустақиллигини қўлга киритиб, тарихан қисқа даврда, халқимизнинг фидокорона меҳнати ва матонати билан дунё миқёсида “ўзбек модели” деб тан олинган, ўзимизга хос, ўзимизга мос тараққиёт йўлини амалга оширганимиз ҳисобидан бугунги кунда шаҳар ва қишлоқларимиз, бутун юртимиз қиёфаси тубдан ўзгарди, аҳолимизнинг ҳаёт даражаси ва сифати тобора юксалиб бораётгани барчамизга мамнунлик бағишлаб, яқин ва узоқ кўшнарларимизнинг ҳавасини тортмоқда, десак, айни ҳақиқатни айтган бўламиз.

Бундай барқарор сурушатлар билан ривожланишга эришиш учун биз қандай оғир йўлни босиб, турли синов ва қийинчиликларни, гов ва тўсиқларни енгиб ўтганимиз, бугунги юксак марраларни қўлга киритишда ҳал қилувчи роль ўйнаган оғир ва мезонлар ҳақида албатта кўп гапириш мумкин.

Бу ҳақда сўз юритганда, авваламбор, амалда ўзини оқламаган эски мустабид тузумнинг қолип ва ақдаларидан бутунлай холи бўлган, тез ва шиддат билан ўзгариб бораётган замон билан ҳаққамдам бўлиб, янгича, мустақил фикрлайдиган, тараққий топган давлатлардаги тенгдошлари билан беллашувга тайёр, изланиш ва доимо изланиш, гурур ва ифтихор билан яшайдиган янги авлодни тарбиялаш бўйича қандай улкан вазифаларни адо этганимизни яна бир бор эслашимиз ўринли, деб ўйлайман.

Ўз-ўзидан аёнки, биз мустақил ҳаётга қадам қўйиб, энг ривожланган мамлакатлар қаторига киришни, юртимизда демократик давлат, обод ва фаровон жамят қуришни мақсад қилиб қўйган эканмиз, бунинг учун аввало айни шундай буюк ишга қодир бўлган янги авлодни вояга етказмасдан туриб, бу йўлдаги барча-барча ҳаракатларимиз пучга чиқishi мукаррар эди.

Бундан 18 йил олдин қабул қилинган Қадрлар тайёрлаш миллий дастури ва 2004 йилда тасдиқланган Мактаб таълимини ривожлантириш Давлат умумий миллий дастури,

шу соҳада амалга оширган бошқа кенг кўламли ишларимиз нафақат таълим-тарбия тизимини, балки бутун жамятимиз ҳаётини кескин ўзгартириб юборгани, ижобий маънодаги “портлаш эффекти”ни берганига бугун яққол гувоҳ бўлмоқдамиз, десак, айни ҳақиқатни айтган бўламиз.

Шу борада сизларга бир фикрни ҳеч иккиланмасдан айтишни зарур, деб биламан.

Тарихий аҳамиятга эга бўлган бу дастурларни ишлаб чиқиш ва ҳаётга татбиқ этишда, уларни янада чуқурлаштиришда, ҳозирги давр талабларига жавоб берадиган янги таълим стандартлари ва дастурларини, дарслик ва методик қўлланмаларни яратишда, энг муҳими, болаларимизга замонавий таълим ва тарбия бериб, уларнинг қалбига, юрагига етиб боришда сиз, хурматли устоз-мураббийларнинг хизматларингиз нақадар беқиёс бўлганини халқимиз яхши билади ва юксак қадрлайди. Келажги-мизни ҳал қиладиган ана шундай оламшумул ишга қўшган буюк ҳиссангиз учун ўзининг энг яқин маслаҳатчиларим ва маслақдошларим бўлган сиз, азизлардан умрдоқ миннатдорман ва барчангизга чин қалбимдан таъзим қиламан.

Хурматли дўстлар!
Бугунги кунда миллионлаб болаларимиз янгитдан барпо этилган ва реконструкция қилинган 10 мингга яқин мактабларда, 1 минг 556 та лицей ва коллежда, 70 дан зиёд олий ўқув юртларида янги таълим тизими асосида билим ва тарбия олиб, замонавий касб-хунарларга эга бўлиб ҳаётда ўз муносиб ўрнини топмоқда, мамлакатимиз таълим моделининг самараси ва рақобатдошлигини халқаро майдонларда яққол намоён этмоқда.

Униб-ўсиб келадиган ўғил-қизларимиз юртимизда яратилган ноёб имкониятлардан баҳраманд бўлиб, илм-фан чўққиларини, хорижий тилларни, замон талаб қиладиган касб-хунарларни пухта эгаллаб, она-Ватанимизга садоқатли, муносиб фарзандлар, унинг ишонган посбондари, ҳимоячилари, биз бошлаган ишларимизнинг давоми чиси бўлиб вояга етаётганини кўриш, янгиликларни қувончи билан шерик бўлиш биз, ота-оналар, устозлар учун энг катта бахт эмасми?

Қадри устозлар!
Бугун биз бошимиздан кечираётган XXI аср, шиддат билан ўзгариб бораётган глобаллашув жараёнлари, интеллектуал салоҳият, интернет ва ахборот-коммуникация технологиялари ҳал қилувчи аҳамият касб этаётган, жаҳон бозоридаги рақобат кўлами ва кескинлиги тобора шарафатсиз тус олаётгани ҳар қайси давлат, ҳар қайси халқ олдида гоёта муҳим ва ўткир талабларни қўймоқда. Бугун ҳаммамизга аён, ана шундай талабларни ҳисобга олиб, улар билан ҳамоҳанг бўлиб яшамасак, бутун борлигимизни шу йўлда сарфбар этмасак, ҳеч шубҳасиз, биз умумбаший тараққиётдан четда қолиб кетишимиз мукаррар.

1 октябрь — Ўқитувчи ва мураббийлар куни

Раҳмат сизга, муаллим, таъзим сизга, устозлар!

Ёш авлод таълим-тарбияси — машаққатли ва шарафли юмуш. Устоз отангдек улуг, деган асрий ҳикмат, ўзбекона лутф замирида ҳам ана шу ҳаётий ҳақиқат мужассам. Шу боис истиқлол йилларида Президентимиз раҳнамолигида ўқитувчи ва мураббийлар меҳнатини эъзозлаш, уларни ҳар томонлама қўллаб-қувватлаш ва рағбатлантириш масаласи давлатимиз сиёсати даражасига кўтарилди.

Хусусан, “Таълим тўғрисида”ги Қонун, Қадрлар тайёрлаш миллий дастури, Мактаб таълимини ривожлантириш Давлат умумий миллий дастури каби жаҳон тажрибасида ноёб саналган тараққиётнинг ўзимизга мос ва хос йўли тизимга татбиқ этилиши туфайли жаҳон эндоzalари даражасида янги ўқув биналари барпо этилди, мавжудлари қайта реконструкция қилинди, уларнинг моддий-техник

базаси мустаҳкамланиб, замонавий ўқув-лаборатория ускуналари, жиҳозлар, компьютер техникалари билан таъминланди.

Бинобарин, 1997 йилдан буён юртимизда 1 октябрь — Ўқитувчи ва мураббийлар куни умумхалқ байрами сифатида кенг нишонланиб келинмоқда.

Ушбу сана маърифатпарвар халқимиз, фарзандлари камолини кўриш истагидаги ота-оналар, билимга чанқок

ёшлар учун ҳам қувончли айёмдир. Чунки меҳридорё устозларни ардоқлаш, уларга эътиром кўрсатиш халқимизнинг азалий ва истиқлол йилларида янгича маънамозун касб этган қадриятларидан бири саналади.

Байрам арафасида Қорақалпоғистон Республикаси, вилоятлар ҳамда пойтахтимиздаги умумтаълим мактабларининг бир гуруҳ ўқитувчи ва мураббийлари, педагоглар Мустақиллик майдонини зиёрат қилиб, хурриятимиз, порлоқ истиқболимиз ва эзгу ниятларимиз рамзи бўлган Мустақиллик ва эзгулик монументини пойига гуллар қўйдилар. Пойтахтимизда умумий ўрта, ўрта махсус, касб-хунар, олий таълим тизимида кечатган ўзгаришлар билан

яқиндан танишиш мақсадида мактаб ва коллежлар, олий ўқув юртларида, музейлар, маданий-маърифий масканлар ҳамда санъат саройларида бўлиб, мустақиллик йилларида Тошкент шаҳрида амалга ошириладиган кенг кўламли бунёдкорлик ишларини кўздан кечирдилар.

Анъанага мувофиқ, пойтахтимиздаги “Туркистон” саройида мазкур умумхалқ байрамга бағишланган тантанали йиғилиш бўлиб ўтди. Шу муносабат билан бу ерга турли вазирлик ва идоралар, жамоат ташкилотлари вакиллари, таълим-тарбия соҳасида узоқ йиллар давомида самарали меҳнат қилган педагоглар, илғор ўқитувчилар, олимлар ва талаба-ёшлар тақдиф этилди.

(Давоми 2-бетда).



(Давоми 2-бетда).





Эзгулик ва маърифат чароғбонлари



Шарқ мутафаккирлари ва алломаларининг асарларида ўқитувчи ҳамда мураббийлар маҳорати, устоз-шоғирдлик шартларига кенг ўрин берилган. Жумладан, буюк қалб соҳиби Алишер Навоий ижодида ҳам муаллимлар, тарбиячилар иши, уларга муносабат масалалари алоҳида тилга олинган.

Мустақиллигимизнинг 24 йиллиги арафасида шоғирдларим тинимсиз сим қоқишди: "Устоз, юксак мукофот муборак бўлсин!" Ҳаяжоним ичимга сиғмади. Севинчдан кўзимга ёш қалқиди.

Шоғирдларим камоли — менинг бахтим

Шунда қақадар бахтли инсон эканлигини дилдан ҳис этдим. Беихтиёр қўлимга қалам тутқазган, алифбодан сабоқ берган устозларим ёдимга тушди. Уларнинг бизга, ўқувчиларига бўлган меҳру муҳаббатлари менинг бахтим.

Спорти йўналишида эришган муваффақиятлари ҳам эътирофга лойиқ. Хусусан, Шуҳрат Шомуратов, Рустам Жангабаев, Ҷозода Уразимбетова каби ўқувчиларимиз оғир атлетика бўлимида Осиё ва мамлакатимиз миқёсидаги мусобақаларда совринли ўринларни қўлга киритишган. Албатта, буларнинг барчаси биз, устоз ва мураббийларнинг ҳам ютуғидир!

Хар ўқув йили якунида қўлга касб-ҳунар коллежи шаҳодатномасини олиб, катта ҳаётга учирма қилинаётган ўқувчиларим ёнимга келиб, "Устоз, сизга раҳмат! Бу ерда олган би-

лим ва кўникмаларимизни юртимиз ривожига йўлида ишлатамиз", дея миннатдорлик билдиришганида кўнглим таскин топади. "Меҳнатнинг роҳатини кўрган одам — бахтли", дейишди. Эсим, ўша пайтларда устозларимиз ҳар тарафдан қўрқув ва ҳадик ҳавф солиб турган замонда, касб-корларининг шарофини, эъзозини кўрмай, билмай яшаб ўтишди. Шуқр, улар орзу қилган замонда ишлаш бизга насиб этди. Истиклолмиз ва унинг буюк меъморийнинг доимий эътиборида, халқимиз ардоғида. Бугун озода ва обод юрт

ЭХТИРОМ

Кўни кеча қиллоққа йўлим тушганида, биринчи устозим ҳузурига бордим. Доимгидек юзларида табассум, кўзларида эса чексиз меҳр ифодаси.

Савод чиқардик, илмга ошно бўлдик

...Бундан 15 йил аввал Бекобод шаҳридаги 9-мактаб остонасига илк қадам қўйганимизда, шу инсон бизни кўчак очиб қарши олганди. Ҳазрат Адолат Алиёрова, деб таништираган бу муноси сиймо "Она", "Ватан" каби эзгу туйғуларни қалбимизга бутун умрга муҳраб қўйди. Тўрт йил давомида у кишининг сай-ҳаракатлари туйғайли савод чиқардик, илмга ошно бўлдик.

Ҳамон ёдимда. Ўшанда 4-синфда таҳсил олардик. Ўқш дарсида "Хатосини тушунган бола" номли ҳикоя ўқигандик. Шундан таъбиранибми, дарс пайтида тўрт мисра қофияли сўзларни қозғаш туширдим ва уни "Синфдошларимга" деб номладим. Шейрни ўқиб берганимда, ҳаммадан кўра Адолат она қувондилар ва "Баракалла, ўқш ва ёшидан тўхтама, насиб этса, зўр шоира бўласан", дея оқ фотиҳа бердилар. Ана шу воқеа сабаб шейриятга меҳрим тушди.

Вақт — оқар дарё. Мактаби таълим олдирди. Маънавиятнинг оқибатлари билан саводчи бўлишимиз билан бир вақтда кўнглимизни мураббийларнинг таълими билан қўшниқлаштиришди.

Профессиямиз билан бир вақтда кўнглимизни мураббийларнинг таълими билан қўшниқлаштиришди. Саводчи бўлишимиз билан бир вақтда кўнглимизни мураббийларнинг таълими билан қўшниқлаштиришди.

Ситора ТОШМАТОВА, Зулфия номидаги Давлат мукофоти соҳибаси.

... ЮЗ ГАНЖ ИЛА

Шоирнинг "Махбуб-ул-қулуб" асарига 18-фаслида ўқитувчилик меҳнати машаққати хусусида шундай дейилади: "Унинг иши одам туғил, ҳатто девнинг ҳам қўлидан келмайди. Бир кўчи киши бир ёш болани сақлаша охирик қилар эди, у эса бир тўда болага илм ва адаб ўргатади. Лекин шуниси ҳам борки, болалар орасида фахми идроки озлари бўлади. Муаллим бу каби ҳолларда юзлаб машаққат чекади. Шу жиҳатдан олганда, болаларда унинг ҳақи кўп, агар шоғирд улғайгач, подшоҳлик мартабасига эришса ҳам унга (муаллимга) қуллук қилса арзийди".

Даражадаги муносабатларини ҳам билиб олишимиз мумкин. Фасл хулосаси сифатида келтирилган байтнинг шундай бугунгача жаҳон кўзга, сайёр характердаги ҳамда замонамизда деярли барча зиёликлар ва ёш авлод ёддан биладиган ҳикмати, десак, тўғри бўлади. Байтда улғу шоир мамия ҳорат билан қаламга олган асосий образлар, аксарият ўринларда сўроқ олмаида ифодаланган ким, яъни ўргатувчи устоз ва кишилик олмаида берилган сен, яъни ўрганувчи ўқувчилардир. Ранж — ганж каби қофияда, "ила" восита боғловчиси ёрдамида

Ҳақ йўлида ким сенга бир ҳарф ўқутмиш ранж ила, Айламак бўлмас адо онинг ҳақин юз ганж ила.

Сийрат

Кўриниб турибдики, бошдан-охир бетакрор сажъ санъати асосида ёзилган маъруза мураббийларга бағишланган таъриф, таҳлил, хулоса ҳамда қиссадан ҳисса сифатида берилган бир байтдан иборат. Фасл бадийи, маърифий, тарбиявий жиҳатдан мукамал ҳисобланиши билан бирга, реалистик тасвир асосига қўрилган. Чунки ушбу фасл орқали биз қисман Навоийнинг таржимаи ҳолини, яъни илк сабоқ олган даври, ўша даврда ва ундан кейин ҳам устозлари меҳнатини, дарс жараёнларини кўзатгани ҳамда устозлари, дўстларига у ёки бу

Буробия РАЖАБОВА, филология фанлари номзоди.

ярлатган радифида ҳам санъаткор шоирнинг бетакрор услуби, юксак маҳорати, сўзга бўлган меҳрини сезиш, кўриш мумкин. Демак, Алишер Навоий ҳар бир ёшнинг ақлий камолотга етишида илму фаннинг аҳамиятини кўрсатиб ўтиш билан бирга, жамият таракқийнинг асоси саналган илм аҳли, илмни тарқатувчи ўқитувчи ва мураббийларни ҳурмат қилишга, уларнинг турмуш даражасини янада яхшилаш масалаларига ҳам эътибор қаратади.

Фоҳр

Бизнинг Тошкент педиатрия тиббий институтига қўшиб қўйилган Юнусобод академик лицейидан ҳам шундай иқтидорли ёшлар кўп. Жумладан, ўқувчиларимиз кимё, биология фанларидан жаҳон ҳамда халқаро Менделеев олимпиадаларида шу кунгача бешта олтин, еттита кумуш ва ўн тўртта бронза медални қўлга киритиб, юртимиз доврғини дунёга ёйишди.

Фахр

Ана шундай билимлар беллашувларидан бирида хорижлик олим томонидан билдирилган эътироф ҳеч ёдимдан чиқмайди. Ўшанда у "Ўқувчиларимиз нафақат аник фанлар йўналишида билимини намоен этишсаппти, балки инглиз тилида ҳам бийрон сўзлашишмоқда", дея хайратланган эди. Баркамол авлод — юрт истикболи, эртанининг ишончи ва сўянчиридир. Шу боис биз, педагоглар шоғирдларимизга "Шундай ўқингларки, келажакни ёритувчи машғула бўлинглар ва Ўзбекистон хамиша сиз билан фахрлансин!" дея тақдорлаймиш.

Ортиқбой ЭШОНҚУЛОВ, Тошкент педиатрия тиббий институтига қўшиб қўйилган Юнусобод академик лицейи директори, «Фидокорона хизматлари учун» ордени соҳибидир.

Мен ҳам шу қадрдон даргоҳда, фидойи мураббийлар қўлида улғайдим. Устозларим Ҷозода Халилова, Гулчехра Муталова шарофати билан биология фанига айрича меҳр қўйдим. Етуқлик шаҳодатини олган, дастлаб касб-хунар коллежиди, бу йил эса Низомий номидаги Тошкент давлат педагогика университети таъминладим. Устозларим "Сенда ўқитувчилик қобилияти бор, олий таълимдан кейин, албатта, жамоамизга кел", деб кўп бора тайинлашар, кўнглимда касбимизга бўлган меҳр ва иштиёқни кучайтиришарди. Не бахтки, бугун ана шу умидлар куртак ёзди, орзуларим рўёбга чиқди. Шу чоққа устозларим эътиборини маҳкам тутиб, уларга эргашиб асло кам бўлганим йўқ.

Гулруҳ ФАРМОНҚУЛОВА, Пискент туманидаги 1-умумий ўрта таълим мактабининг биология фани ўқитувчиси.

Тақдир тухфаси

Ҳаётнинг қутилмаган тухфалари кўп бўлар экан. Қаранг, кечанинг илк бор мактаб остонасига ўқувчи бўлиб қадам қўйгандим. Бугун ёшим йигирма бир. Яна ўша қадрдон маскандаман. Фидокор устозларимиз қатори ўқитувчи деган шарафли касб эгасиман.

Мен ҳам шу қадрдон даргоҳда, фидойи мураббийлар қўлида улғайдим. Устозларим Ҷозода Халилова, Гулчехра Муталова шарофати билан биология фанига айрича меҳр қўйдим. Етуқлик шаҳодатини олган, дастлаб касб-хунар коллежиди, бу йил эса Низомий номидаги Тошкент давлат педагогика университети таъминладим. Устозларим "Сенда ўқитувчилик қобилияти бор, олий таълимдан кейин, албатта, жамоамизга кел", деб кўп бора тайинлашар, кўнглимда касбимизга бўлган меҳр ва иштиёқни кучайтиришарди. Не бахтки, бугун ана шу умидлар куртак ёзди, орзуларим рўёбга чиқди. Шу чоққа устозларим эътиборини маҳкам тутиб, уларга эргашиб асло кам бўлганим йўқ.

ДИЛ СЎЗИ

Айни пайтда мактабимизда 1000 нафардан ортиқ ўғил-қиз таҳсил оляпти. Уларга мураббийлик қилаётган етмиш нафар педагогнинг қарийб ярми олий тоифали, йигирмага яқини "Халқ таълими аълочилиси". Тўрт мураббий эса фарзандлар камолоти, таълим-тарбия жараёнидаги алоҳида фаоллиги учун давлатимизнинг юксак мукофоти — ордан ва медаллар билан тақдирланган. Кейинги йилларда таълим му-

ассасамиз манзилли дастур асосида бутунлай янги қиёфа касб этди. Замонавий таълим таъминланди, дарсликлар билан таъминланди. Ёшларнинг таълим вақтинларини, чет тилларини пухта ўзлаштиришлари, спорт билан шуғуллинишлари учун мукамал шарт-шароитлар вужудга келди. Ҳозир жамоамизга жонқуяр устозимиз, "Эл-юрт хурмати" ордени соҳибаси Мархабо Курбонова бошчилик қилмоқда.

<p>Халқ сўзи Народное слово</p>	<p>Бош муҳаррир Ўткир РАҲМАТОВ</p>	<p>Тахририятга келган қўлемлар тақриз қилинмайди ва муаллимга қайтарилмайди. Реклама материаллари учун тахрират жавобгар эмас.</p>	<p>• МАНЗИЛИМИЗ: 100000, Тошкент шаҳри, Матбуотчилар кўчаси, 32-уй. Навбатчи муҳаррир — У. Файзиёва. Навбатчи — З. Худойшукуров. Мустаҳкам — Ш. Машираббоев.</p>
	<p>2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 2279. Бюроғи Г — 1067. 73 448 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.</p>	<p>Газетамиз ҳақидаги маълумотларни кўлаб олиш учун QR-коднинг телефонингиз орқали сканер қилинг.</p>	<p>Газетанинг полиграфик жихатдан сифатли чоп этилишига "Шарк" нашриёт-матбаа акциядорлик компанияси масъул. Босмахона телефони: (0-371) 233-11-07.</p>
<p>МУАССИСЛАР: Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирилари Маҳкамаси</p>	<p>ТЕЛЕФОНЛАР: Девонхона (0-371) 233-52-55; Котибият (0-371) 233-10-28; Эълонлар (0-371) 232-11-15.</p>	<p>ISSN 2010-6768</p>	